



# PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 21 FULAN-NOVEMBRU TINAN 2014

## KOMUNIKADU IMPRENSA

### **Sorumutu estraordináriu Konsellu Ministrus nian iha loron 21 fulan-novembru**

Konsellu Ministrus hala'ó sorumutu estraordináriu iha sesta ne'e, loron 21 fulan-novembru tinan 2014, iha sala sorumutuk Konsellu Ministrus nian, iha palásiu Governu, iha Dili, no aprova ona diploma rua:

#### **1. Rezolusaun Governu nian ne'ebé halo aprovasaun ba Akordu Investimentu nian ho Heineken Asia-Pacific Pte. Ltd.**

Projetu atu harii fábrica serveja nian iha Timor-Leste ne'ebé Heineken Asia Pacific Pte. Ltd propoin, prevee investimentu ida ho folin dolar amerikanu millaun haatnulu ba leten.

Iha sekuénsia husi avaliasaun ba proposta ne'e, ne'ebé halo husi Komisaun Investimentu nian ida kompostu husi instituisaun oin-oin, ne'ebé ninia rezultadu apresenta tiha ona ba Konsellu Ministrus iha sorumutu loron 17 fulan-setembru nian, Governu hakotu hodi halo aprovasaun ba Akordu Investimentu nian ida ho Heineken. Tuir akordu ne'e Heineken sei hetan benefísiu fiskál balun ne'ebé prevee tiha ona iha Lei Investimentu nian.

#### **2. Dekretu-Lei ne'ebé regulamenta Fundu Espesiál Dezenvolvimentu nian**

Fundu ne'e uza atu finansia, ho forma ida ne'ebé efisiente, segura no transparente, implementasaun husi projetu lubun ida ne'ebé inklui iha planu dezenvolvimentu Rejiaun Administrativa Espesiál Oe-Cusse Ambeno nian.

Konsellu Ministrus analiza mós apresentasaun haat:



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

## **1. Projeitu kona-ba Investimentu Pelican Paradise**

Sekretáriu Estadu Apoiu no Promosaun Setór Privadu hato'o ona ba Kosellu Ministru, projeitu investimentu empreza internasionál nian, ne'ebé ho sede iha Singapura, *Pelican Paradise Holdings Timor-Leste*, ba konstrusaun no esplorasauun kompleksu otél fitun lima nian ida, entre Dili ho Tibar, ne'ebé ho investimentu hamutuk osan dólar millaun 310.

Tamba iha projeitu ne'e otél ida ho kuartu 492, jinázium, restaurant, spa, sentru konvensaun ne'ebé bele simu ema rihun ida Atus Lima, kampu golfe, zona komersiál no zona rezidensiál.

Iha faze harii kompleksu otélnian ne'e, investidór kalkula katak sei loke postu servisu diretu hamutuk Rihun Ida Atus Lima, hodi pursentu 70% to'o 80% timor-oan mak sei prenxe. Bainhira konstrusaun remata ona no funsiona ona, investidoór prevee atu kria tan postu traballu 830, ne'ebé mak 70% to'o 80% sei bele timor-oan mak sei prenxe.

## **2. Prosesu arbitrajem no disputa fronteira Marítimu**

Miistru Petróleo no Rekursu Naturál nian hato'o tiha ona ba iha Konsellu Ministrus pontu situausaun nian ida kona-ba Prosesu Arbitrajem no Disputa Fronteira Marítimu nian sira.

## **3. Relatóriu Aktividade Timor GAP nian**

Ministru Petróleo no Rekursu Minerál, hamutuk ho Prezidente Timor GAP E.P., hato'o tiha ona ba Konsellu Ministrus, Relatóriu hirak kona-ba aktividade empreza nian, ne'ebé hala'o iha tinan 2012 no 2013. Dokumentu sira hakerek detalladu kona-ba rekursu umanu sira, projeitu hirak hala'o ona no seidak hala'o, estudu hirak atu planeia onshore Timor-Leste nian, biban ba negósiu no parseiria nian, dezvoltimentu indústriá Nasionál Petróleo nian, áre dezvoltimentu konjuntu mina-rai nian, no seluk tan.

## **4. Kalendáriu aktividade durante Prezidénsia CPLP nian**

Ministériu Negósius Estranjeirus no Koperasaun hato'o tiha ona ba Konsellu Ministrus kalendáriu atividade hirak tama ona iha programa ne'ebé atu hala'o durante Prezidénsia rotativu Komunidade País Lian Portugés nina sira (CPLP) ne'ebé Timor-Leste mak kaer (2014-2016), ne'ebé bele haree liu sorumutuk sira iha altu nível entre ministru sira hosi área oin-oin hosi país hirak ne'ebé forma organizausaun ida ne'e.

